

29 SEP 1998

Mahathir-Multimedia

PERDANA MENTERI LANCAR VIRTUAL KOMANWEL

KUALA LUMPUR, 29 Sept (Bernama) -- Perdana Menteri Datuk Seri Dr Mahathir Mohamad malam ini melancarkan sesi multimedia "Virtual Commonwealth" (VC) sempena Pameran dan Persidangan Multimedia Asia '98 dan seterusnya menyertai lapan lagi anggota panel dalam sesi dialog VC selama 90 minit.

Sesi itu yang bertema, "Pemerintahan Dalam Dunia Internetworked World: Ke Arah Masyarakat Madani Sedunia" merentasi zon masa dan dijalankan melalui forum terbuka dan telus yang boleh diikuti diseluruh dunia, secara langsung melalui Internet dan rangkaian televisyen RTM.

Bekas Presiden Perhimpunan Agung Pertubuhan Bangsa-bangsa Bersatu (PBB) Tan Sri Razali Ismail bertindak sebagai pengerusi panel bagi sesi itu.

Dr Mahathir mewakili Asia dan negara-negara membangun dalam dialog itu.

Seorang lagi anggota panel sesi: Dr Chandra Muzaffar (presiden, Pergerakan Antarabangsa Bagi Dunia Adil ) mewakili segmen sosial, budaya dan masyarakat, Tengku Datuk Dr Mohd Azzman Shariffadeen (setiausaha, Majlis Teknologi Maklumat Malaysia) mewakili segmen teknologi.

Tan Sri Dr Othman Yeop Abdullah (pengerusi eksekutif, Perbadanan Pembangunan Multimedia) mewakili sektor swasta, Mark Malloch Brown (naib presiden bagi Hal Ehwat Luar dan PBB, Kumpulan Bank Dunia) mewakili kepentingan pembangunan sedunia.

Martin Bangemann (Pesuruhjaya Hal Ehwat Perindustrian, Teknologi Maklumat dan Telekomunikasi, Suruhanjaya Eropah) mewakili Eropah, Rubens Ricupero (setiausaha agung, Persidangan PBB mengenai Perdagangan dan Pembangunan) mewakili Amerika Selatan dan kepentingan perdagangan sedunia.

Dr Joseph S. Nye (dekan, Sekolah John F. Kennedy Bagi Kerajaan di Universiti Harvard) mewakili dunia akademik dan Amerika Utara dan Brian Urquhart (cendekiawan, Program Antarabangsa Yayasan Ford) mewakili Suruhanjaya Mengenai Pemerintahan Dunia.

-- BERNAMA

AFY PR